



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

Caput VI. Modus Præparationis.

[urn:nbn:de:hbz:466:1-66608](#)

Sæcul. XVI.
A.C. 1547.

CAPUT VI.

Modus Præparationis.

Disponuntur autem ad ipsam justitiam, dum excitati divina gratia, & adjuti, fidem ex auditu concipientes, libere moventur in Deum, credentes vera esse, quæ divinitus revelata & promissa sunt, atque illud in primis, a Deo justificari impium per gratiam ejus, per redemptionem, quæ est in Christo Jesu, & dum peccatores se esse intelligentes, a divinæ justitiae timore, quo utiliter concutiuntur, ad considerandam Dei misericordiam se convertendo in spem eriguntur, fidentes Deum sibi propter Christum propitium fore, illumque tanquam omnis justitiae fontem diligere incipiunt, ac propterea moventur adversus peccata per odium aliquod, & detestationem, hoc est per eam pœnitentiam, quam ante Baptismum agi oportet; denique dum proponunt suscipere Baptismum, inchoare novam vitam, & servare divina mandata. De hac dispositione scriptum est: *Acceden-*

Hebr. II. 6. *tem ad Deum oportet credere, quia est, &*
Marc. XI. 5. *quod inquirentibus se remuneratur sit. Et:*
Matth. 7. *Confide, fili, remittuntur tibi peccata tua.*
Eccles. I. 27. *Et: Timor Domini expellit peccatum. Et:*
Act. II. 38. *Pœnitentiam agite. Baptizetur unusquisque vestrum in nomine Jesu Christi, in remissio-*

missionem peccatorum vestrorum, & acci-Sæc. XVI.
pietis Donum Spiritus sancti. Et: Eun- A.C. 1547.
tes ergo, docete omnes gentes, baptizantes Matth. 28.
eos, in nomine Patris, & Filii, & Spir- v. 19.
itus sancti: docentes eos servare, quæcumque mandavi vobis. Denique: Præparate I. Reg. 7.3.
corda vestra Domino.

CAPUT VII.

*Quid sit Justificatio impii, & quæ
ejus caufa.*

Hanc dispositionem, seu præparatio-
nem justificatio ipsa consequitur,
quæ non est sola peccatorum remissio,
sed & sanctificatio, & renovatio inter-
rioris hominis, per voluntariam suscep-
tionem gratiæ, & donorum: unde ho-
mo ex injusto fit justus, & ex inimico
amicus, ut sit hæres secundum spem
vitæ æternæ. Hujus justificationis cauf-
fæ sunt, finalis quidem gloria Dei &
Christi, ac vita æterna: efficiens vero,
misericors Deus, qui gratuito abluit,
& sanctificat, signans & ungens Spiritu
promissionis sancto, qui est pignus hæ-
reditatis nostræ: meritoria autem, di-
lectissimus Unigenitus suus Dominus
noster Jesus Christus, qui, cum esse-
mus inimici, propter nimiam charita-
tem, qua dilexit nos, sua sanctissima
passione in ligno crucis nobis justifica-
tionem